



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 29.4.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichl-Rodigari Albin

Giast/s:

tractandas	tema	responsabel
44	0120 Executiva Acconsentimaint protocol	tuots
45	0220 Uffizi da fabrica Dum. da fabrica no. 016/2019, fabricar oura ed ingrondir il prümaran, implant da sarinera, Mathieu Jon, parcella no. 10858, Val da Guschnai 251A, 7556 Ramosch	vp/ap
46	9630 Stabels da la facultà da finanzas Bainesser SA / vendita chasa da scoula Tschlin	vp/mf
47	8120 Vias champestras Surpassamaint vias champestras	vp/mf
48	9101 Impostas ulteriuras Relasch d'impostas cumünalas	vp/mf
49	0120 Executiva Orientaziuns	tuots
50	0120 Executiva Varia (suprastanza cumünala)	tuots

0120 Executiva

44 **Acconsentimaint protocol**

Il protocol da la sezzüda dals 8 avrigl 2019 vegn approvà.

0220 Uffizi da fabrica

45 **Dum. da fabrica no. 016/2019, fabricar oura ed ingrondir il prümbaran, implant da sarinera, Mathieu Jon, parcella no. 10858, Val da Guschnai 251A, 7556 Ramosch**

Il petent prevezza da renovar cumplettaing la part d'abitar interna. Il stadi da la renovaziun da l'on 1984 es cumprais in quista calculaziun, uschè chi po amo gnir ingrondida üna surfatscha da 4.05 m². Quai significha ün surpassamaint marginal da 1.8%. La fatschenda es gnüda trattada intant cul uffizi pel svilup dal territori e da quella vart es gnü signalisà cha'l surpassmaint in quella dimensiun pudarà gnir acconsenti.

A regard la soluziun per l'aua persa preschainta il petent ün indriz chi's verifichescha fich bain e chi persvada, dimena cun funcziun da sarinera «Tropkörperanlage».

La suprastanza va daperüna cun quai e decida d'inoltrar la dumonda pel proceder dal BAB.

9630 Stabels da la facultà da finanzas

46 **Bainesser SA / vendita chasa da scoula Tschlin**

In occasiun da l'aboccamaint dals 29 da marz 2019 culla direcziun ha Corsin Biert infuormà sur da las decisiuns dal cussagl administrativ dal Bainesser SA.

- Il cussagl administrativ vegn fuormà da nouv, quai in möd adequat a l'adattamaint dal concept. Quai bsögna amo temp.
- L'intent d'ün aquist es concret avantman. I sto uossa gnir trattà sur dal contrat da fittanza, da cumpra, fit, müdamaint da zona ed organisaziun d'ürant il temp cha la gestiun sta salda.
- La gestiun dal Bainesser vegn serrada fin al di cha'l Bainesser es in posses da la chasa e po far las investiziuns.

La suprastanza discuta supra la vendita ed examinescha la situaziun in basa d'ün plan da situaziun erigi da nos manader tecnic. I ston amo gnir sclerits divers puncts, sco p.e.x. co chi's regla l'adöver da las parts cumünai (tualettas, cuschina), access, s-chodamaint, forz'electric e.u.i., fittanza da la sala polyvalenta e.o.p. La direcziun prevezza da salvar üna tschantada cul nouv cussagl administrativ per as persvader sur dal böt ed intent. Quai es però pür pussibel i'l mais gün 2019. Implü sto gnir stipulada üna cunvegna cul Bainesser chi regla l'indemnisaziun dal fit.

La suprastanza va in princip daperüna culla vendita da la chasa da scoula.

8120 Vias champestras

47 **Surpassamaint vias champestras**

I d'eira gnü denunzchà ün surpassamaint da transit sün vias champestras. Al manaschunz d'eira gnü concess l'udida giuridica. Quel nun ha però fat adöver da quell'ocasiun, uschè cha la suprastanza decida in basa da las actas.

Ella til punischa cul import da fr. 200.00.

9101 Impostas ulteriuras

48 **Relasch d'impostas cumünalas**

Quista tractanda suottastà al secret d'uffizi.

0120 Executiva

49 **Orientaziuns**

Capo

Proget revitalisaziun da l'ogna a Panas-ch

La populaziun es invidada als 4 da mai 2019 a la prüma palada. La suprastanza sarà eir da la partida. Sper oters oraturs tegna eir nos capo ün pled.

Pro quist'ocasiun manzun'el la problematica a reguard la surdatta da las lavurs d'impressari pel proget manzunà. Ün'impraisa ha lacunter recuorrü. Uossa sto quai gnir spettà cul cumanzamaint da las lavuors fin cha quel proceder es conclus.

Ouvras electricas d'Engiadina

La direcziun da quellas prevezza da salvar ün aboccamaint culla suprastanza e suottametta propostas per ün termin. La suprastanza nu po confermar quellas e fa üna cuntraproposta.

Manader tecnic

Proget via da Tschern

Il manader tecnic infuorma, cha davart dal Chantun nu vegnan amo surdattas las lavuors da fabrica. Il cumanzamaint da quellas füss insè stat als 1. d'avrigl 2019. Ils motivs per quai nu sun dal tuot clers. I sto uossa gnir spettà sülla decisiun.

ACEB / radunanza generala

Il suprantant, Armon Kirchen, vaiva fat part a quella.

Padrinadi svizzer per cumüns da muntogna / radunanza annuala

Il capo, V. Peer, il vicecapo A. Mayer e la suprantanta, Ursina Caviezel han fat part a Turich.

0120 Executiva

50 **Varia (suprastanza cumünala)**

Da la tractanda varia nu vegn fat adöver.

7556 Ramosch, 06.05.2019



Il capo:

[Handwritten signature in blue ink]

Il manader administraziun:

[Handwritten signature in blue ink, circled]